

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Organismo Autonomoak

GIZARTE ONGIZATERAKO FORU ERAKUNDEA

Onestea familia harreran eta familia harrera bukatu ondoko bizikidetzan laguntzeko aparteko gastuetarako laguntza ekonomikoen 2022rako deialdia

Arabako Foru Aldundia da lurralde historiko honetan adingabeen babesaren ardura duen erakunde publikoa, eta, bereziki, berak bete behar ditu horrelako erakundeei dagozkien eginkizunak, hain zuzen ere, honako hauek esleitzen dizkietenak: azaroaren 11ko 21/1987 Legea, Adopzio gaietan Kode Zibilaren eta Prozedura Zibilari buruzko Legearen zenbait artikulua aldatzen dituen; urtarrilaren 15eko 1/1996 Lege Organikoa, Adingabeen Babes Juridikoari buruzkoa, zeina aldatu baitute uztailaren 22ko 8/2015 Lege Organikoa, Haur eta Nerabeak Zaindu eta Babesteko Sistema aldatzekoak, eta uztailaren 28ko 26/2015 Legeak, Haur eta Nerabeak Zaindu eta Babesteko Sistema aldatzekoak; baita ere, otsailaren 18ko 3/2005 Legea, Haur eta Nerabeak Zaindu eta Babestekoak, eta ekainaren 4ko 8/2021 Lege Organikoa, Haurrak eta Nerabeak Indarkeriatik Osorik Babestekoak.

Bestalde, abenduaren 11ko 179/2018 Dekretuaren bidez, Eusko Jaurlaritzak familia harrera arautu zuen Euskal Autonomia Erkidegoan. Horrela, familia harrera motak eta Foru Aldundiek haien babespean dauden adingabeen familia harrerako prozeduretan jarraitu beharko duten jarduera prozedura ezarri zituen. Arautegi berri horren xedea da biztanleengan eragina izan dezakeen edozein arauk eskatzen duen segurtasun juridikoaren printzipioa indartzea eta baita Euskal Autonomia Erkidegoko herritar guztien berdintasun printzipioa ere, herritarrek bizi diren lurralde historikoa edozein dela ere.

Foru Gobernu Kontseiluaren uztailaren 27ko 35/2021 Foru Dekretuaren bidez, onetsi zen familia-harreran, familia-harrera bukatu ondoko bizikidetzan eta adopzio helburuko zaintzan laguntzeko konpentsazio ekonomiko arruntak arautzen dituen araudia.

Ekainaren 16ko 21/2020 Foru Dekretuaren bidez, oinarri orokorrak onetsi dira, familia harreran eta familia harrera amaitu ondorengo bizikidetzan laguntzeko aparteko gastuetarako Gizarte Politiken Sailak eta bere menpeko erakunde autonomo Gizarte Ongizaterako Foru Erakundeak ematen dituzten laguntza ekonomikoak arautzen dituztenak. Urteroko deialdi publikorako utzi zen diruz lagundu daitezkeen kontzeptuak nahiz beste kontu batzuk, hala nola kontzeptu horriengatik diruz lagundu daitezkeen gehieneko zenbatekoak, zehaztea.

Prestazio ekonomiko horiek hasieratik bertatik oinarritzko premisa honetatik abiatuta taxutu ziren: familia harrera lehenetsi behar da zentroetako harreraren gaineratik, betiere adingabearen interes gorenari komeni bazaio, eta etxean adingabe bat hartzen duenari ez dio kalte ekonomikorik ekarri behar babes altruista hori emateak, are gutxiago Administrazio Publikoak berak daukanean haren tutoretza edo behintzat haren zaintza.

Indarrean dagoen legerian ezarritakoaren arabera, familia harrerarako egokiak diren familiek, alde batetik, bizibide egonkorak eta nahikoak eduki behar dituzte, baina, beste aldetik, beharrezkoa da familia horiek diru konpentsazio bat eta ezartzen diren beste laguntza batzuk jasotzeko eskubidea ere izatea.

Ikuspegi horrekin, Arabako Foru Aldundiak, duela urte askotatik, bere erakunde autonomo Gizarte Ongizaterako Foru Erakundearen bitartez, familia harrerako programa bat garatzen du, zeinean babesgabezia larrian dauden adingabeen zaintza ematen baitzaie pertsona edo familiei, denbora jakin batez haiek zaindu, mantendu eta hezteaz eta giro afektibo batean osoko hezkuntza emateaz arduratu daitezzen; eta harrera osteko programa ere badauka, adin nagusitasunera heldu eta gerorako, elkarrekin bizitzen jarraituz gero.

Programa horien asmoa da adingabeak edo gazteak beren jatorriko familiaren ordeko familia batean integratzea, behar duten denboran. Programa honetako haurrek izaten dituzten arazoak direla eta, beharrezkoa da familiek programan parte hartzea –guztiaren gainetik, haien zerbitzu bokazioa, elkartasuna eta elkarlana nabarmentzen dira– eta, bestetik, Foru Administrazioak laguntza egokiak ematea familia horiei, horien artean konpentsazio ekonomiko bat dagoela, ezinbestean.

Familia harreragileek euren gain hartzen dituzten eginkizunek, beste gauza askoren artean, gastu ekonomikoak eragiten dizkiete, adingabeen beharrezkoak eta zenbait egoeratan sortzen diren aparteko gastuak ordaindu behar dituztelako. Bestalde, kontuan hartu behar da kostu ekonomiko horiek ez dutela eragin negatiborik izan behar, ez harrera egiteko edo ez egiteko erabakian, ez adingabearen artapenean, eta saihestu beharreko arazoa dela pertsona edo familia harreragileek euren egoera ekonomikoan gainkarga izatea adingabe bat edo batzuk hartzearen ondorioz. Horregatik guztiagatik, bidezko da familia harrerarako eta familia harreraren osteko jarraipenerako laguntza ekonomiko berezien urteroko deialdia onartzea 2022ko ekitaldirako. Hor-taz, laguntzen helburua kontuan izanik, eta oinarri arautzaileetan esplizituki esaten ez bada ere, haietatik ondorioztatzen da laguntza hauek emateko jarraitu beharreko emakida prozedura lehia librea dela.

Horregatik, Gizarte Ongizaterako Foru Erakundearen Administrazio Kontseiluaren lehen-dakariak proposaturik, eta agiri honek daraman dataren egunean egindako bilkuran kontseilu honek gaia aztertu eta gero, honako erabaki hau hartu da:

ERABAKITZEN DUT

Lehenengoa. Onestea familia harreraren eta familia harrera bukatu ondoko bizikidetzan laguntzeko aparteko gastuetarako laguntza ekonomikoaren 2022eko ekitaldirako deialdi publikoa onartzea, eranskinean ezarritako oinarrien arabera.

Bigarrena. Erabaki honen bidez arautzen diren dirulaguntzak Gizarte Ongizaterako Foru Erakundearen 2022ko aurrekontuko “Familia harrerarako aparteko laguntzak” 81205. G/231815/48000823 gastuen aurrekontu partidaren kontura ordainduko dira (xedapen erreferentzia: 105/5676). Partida hori 110.000 euroz hornitu da.

Hirugarrena. Erabaki honek amaiera ematen dio administrazio bideari eta haren aurka administrazioarekiko auzi errekurtsioa aurkeztu ahal izango da Gasteizko administrazioarekiko auzietarako epaitegietan. Horretarako, bi hilabete izango dira, hura argitaratu eta hurrengo egunetik aurrera, uztailaren 13ko 29/1998 Legearen 25.1, 8.1 eta 46.1 artikuluetan xedatutakoarekin bat etorriz. Horren aurretik, nahi izanez gero, berraztertze errekurtsioa aurkeztu ahal izango zaio Gizarte Ongizaterako Foru Erakundearen Administrazio Kontseiluari. Horretarako, hilabete epea izango da, argitaratu eta hurrengo egunetik aurrera. Ohartarazten da aurkeztutako berraztertze errekurtsioaren esanbidezko ebazpena eman arte edo hori ustez ezetsi arte ezingo dela administrazioarekiko auzi errekurtsorik jarri; hori guztia, urriaren 1eko 39/2015 Legeak (Administrazio Publikoaren Administrazio Prozedura Erkidearen Legea) 123. eta 124. artikuluetan xedatutakoaren arabera.

Laugarrena. Deialdi hau ALHAOn argitaratzeko agintzea.

Vitoria-Gasteiz, 2022ko ekainaren 16a

Gizarte Politikaren Saileko diputatua eta Gizarte Ongizaterako Foru Erakundearen Administrazio Kontseiluaren presidentea
EMILIO SOLA BALLOJERA

Gizarte Ongizaterako Foru Erakundearen Administrazio Kontseiluko idazkaria
JOSE FRANCISCO ANTÓN IDRÓQUILIS

Familia harreraren eta familia harrera bukatu ondoko bizikidetzan laguntzeko aparteko gastuetarako laguntza ekonomikoen urteko deialdia

2022ko ekitaldia

Gizarte Ongizaterako Foru Erakundearen Administrazio Kontseiluak, 2022ko ekainaren 16an egindako bilkuran, erabaki du laguntza deialdi hau onestea eta argitaratzea. Hona hemen hura arautuko duten:

OINARRIAK

Lehenengoa. Xedea

Zabaltzen da Familia harreraren eta familia harrera bukatu ondoko bizikidetzan laguntzeko aparteko gastuetarako laguntza ekonomikoen 202ko ekitaldirako deialdi publikoa, ekainaren 16ko 21/2020 Foru Dekretuaren bidez onetsitako oinarri arautzaileen arabera.

Bigarrena. Diruz lagundu daitezkeen kontzeptuak eta gastuak

1. Diruz lagundu daitezke 2021eko abenduaren 1etik 2022ko abenduaren 31ra arte ondoko kontzeptu hauengatik egindako gastuak, ez badute dirulaguntzarik jaso aurreko deialdietan:

- a) Betaurrekoak, lentillak.
- b) Odontologia.
- c) Eskola laguntza ikastegietan, salbu eta ziurtatzen bada ezinezkoa dela beharizan akademikoetara iritsi edo ez direla egokiak.
- d) Familia laguntza.
- e) Etxeko laguntza.
- f) Tratamendu medikoak.
- g) Jolas jarduera hezigarriak.
- h) Dokumentazio izapideak.
- i) Harrerapeko adingabea zaindu eta artatzearekin zerikusia duen beste edozein, edo adin nagusitasunera iritsitakoan familia harreragilearekin bizitzen jarraitzen duten gazteei dagozkienak, salbuespenez irizten bazaio behar bezala frogatuta dagoela beharizana; betiere, gastua ez badu bere gain hartzen beste edozein sistema publikok.

2. Aurreko 1. puntuko b), c) eta f) apartatuetan sartzen diren ortodontzia, eskola-laguntza eta tratamendu medikuetarako gastuen kasuan, haien izaera dela-eta, dirulaguntza emateko ebazpenak 5. oinarriko 2. b), c) eta f) apartatuetan ezarritakoaren arabera dagokion zenbateko osoa jasoko du. Dirulaguntzaren ordainketa hainbat ekitalditan egin beharra gerta daiteke, eta, hala, gastua frogatu ahala egingo da ordainketa, dagokion ekitaldiko partiden kontura.

Hirugarrena. Pertsona onuradunak. Baldintza orokorrak eta bereziak

1. Laguntza hauen onuradun izan daitezke Arabako Lurralde Historikoan familia harreraren bat formalizatu duten pertsonak, bai eta familia harreraren bidez etxean eduki duten adingabea adin nagusitasunera iritsitakoan ere beraiekin jarraitzen dutenak, ekainaren 16ko 21/2020 Foru Dekretuan jasotzen diren oinarri arautzaileen 5. artikuluan ezarritakoarekin bat etorritik.

2. Diruz lagundu daitezkeen kontzeptuengatik laguntza jaso ahal izateko bete behar diren baldintza berariazkoen artean, honako hauek ezartzen dira:

- a) Betaurrekoak, lentillak: Beharra bermatzen duen txosten edo diagnosi profesionala.
- b) Odontologia: txosten medikoa edo diagnosi profesionala, horren beharizana dagoela eta gastua osasun zerbitzuek estaltzen ez dutela ziurtatzeko.

c) Eskola laguntza: eskolako txostena, laguntza horren beharrezana egiaztatzeko.

d) Familia laguntza, 14 urtetik beherakoentzat, salbu behar bereziak dituzten haurrak, frogatuz haren kontratazioa arrazoitua dagoela eta haien gainbegiratze beharrezanak betetzeko erabiltzen dela, baldin eta harrera-familiak (kide biek, hala denean) ezin baditu bete beharrezan horiek, familia-harrerarako egokitzapen balorazioan jasotako edo geroagoko lan arrazoiengatik.

Lan jardueraren betebeharra salbuetsiko da honako kasu hauetan:

– Ezusteko arrazoiek familia harreragileari eragozten badiote harrerapeko adingabeari arreta ematea.

– Familia zabaleko harreraren kasuetan, harrera-familian osasun arazoak agertzen badira harrera formalizatu baino lehen.

– Aldi baterako harrera edo harrera iraunkorra duten eta, aldi berean, urtean zehar larrialdiko harrerak egiten dituzten harrera-familietan.

e) Etxeko laguntza. Etxean karga handi samarrak izatea. Beharrezana bere osoan teknikoki baloratuko da hauen arabera:

– harreran dauden adingabeen kopurua (bi baino gehiago).

– haien adina (14 urte baino gutxiago, beharrezan bereziak izan ezik).

– familia harreragilearen adina.

f) Osasun sistema publikoak bere kontu hartzen ez dituen medikuntza tratamenduak, haien beharra bermatzen duten mediku txostena eta osasun publikoko zerbitzuek ez bere gain hartzea gastua.

g) Jolas eta hezkuntza jarduerak: beharra teknikoki baloratuko da, kontuan izanda harreran dagoen adingabeak edo gazteak gizarte eta harreman trebetasunen gabezia duen, eta teknikarrien jarraipenak ziurtatuko du behar hori.

Laugarrena. Dirulaguntzak emateko araubidea

Dirulaguntza hauek lehia librean emango dira; funtsak eskaerak jaso ahala banatuko dira, baldin eta eskaerak deialdian ezarritako baldintzak betetzen badituzte, harik eta aurrekontuko zuzkidurak agortu arte.

Bosgarrena. Laguntzaren zenbatekoa zehaztea

1. Deialdi publiko honetan arautzen diren dirulaguntzak, Gizarte Ongizaterako Foru Erakundearen 2022ko aurrekontuko "Familia harrerarako aparteko laguntzak" 81205. G/231815/48000823 gastuen aurrekontu partidaren kontura ordainduko dira. Partida hori 110.000 euroz hornitu da.

2. Onartuko den laguntza ekonomikoaren gehieneko kopurua honela ezarriko da:

a) Betaurrekoak, lentillak: Eskaera guztiak baietsiko dira, eskaera bakoitzeko 200 euroko gehieneko kopurua ezarrita.

b) Odontologia: Eskaera guztiak gehieneko zenbateko hauekin baietsiko dira:

Endodontziak: 150 euro gehienez.

– Erauzketak: 80 euro gehienez.

– Betetzeak: 60 euro gehienez.

– Erradiografiak: 50 euro gehienez.

– Ortodontzia: 3.000 euro tratamendu osorako.

c) Eskola laguntza: eskolako txostenean ageri den beharrizanaren arabera (txostena ikasturtean zehar berrikusi ahal izango da), eta gehienez 1.200 euro urteko, gehienezko zenbatekoak hauek direla:

- Lehen Hezkuntza: 13 euro orduko.
- Bigarren Hezkuntza: 19 euro orduko.
- Derrigorrezko Hezkuntzaren Ondokoa: 20 euro orduko.

d) Familia laguntza: gehienez ere ekitaldirako ezarritako lanbide arteko gutxieneko soldata emango da, lanaldiko lanorduen arabera proportzioan. Diruz lagundutako lanorduetatik Gizarte Segurantzaren kotizazioari dagokion zatia gehituko da aplikatu daitekeen araudiaren arabera. Guztirako dirulaguntza, urteko eta familia harreragile bakoitzeko, ezin daiteke izan 8.000 euro baino gehiago.

e) Etxeko laguntza: gehienez ere ekitaldirako ezarritako lanbide arteko gutxieneko soldata emango da, lanaldiko lanorduen arabera proportzioan. Diruz lagundutako lanorduetatik Gizarte Segurantzaren kotizazioari dagokion zatia gehituko da aplikatu daitekeen araudiaren arabera, gehienez ere 4.500 euro urteko eta familia harreragile bakoitzeko.

f) Osasun sistema publikoak bere gain hartzen ez dituen medikuntza tratamenduak: 3.000 euro tratamenduko.

g) Jolas jarduera hezigarriak, jardueraren ehuneko 50, gehienez ere urtean 800 euro.

h) Dokumentazio izapideak:

- Egin beharreko izapidearen beraren gastu guztiak.

Mugitu beharra badago Arabako Lurralde Historikotik kanpo izapide horiek egiteko.

- Joan-etorriak: adingabearen eta laguntzaile batenak.
- Ahal dela, garraio publikoa: frogatutakoa.
- Norberaren ibilgailua: 0,29 euro/km, autobideko bidesariak eta aparkalekua.
- Bidaia-sariak: adingabearen eta laguntzaile batenak.
- Ostatatzea: Gehienez 80 euro/gau (3 izar gehienez) pertsonako.
- Bazkaria: Gehienez 21 euro/pertsona.
- Afaria: Gehienez 21 euro/pertsona.
- Gosaria: 3 euro/pertsona.

i) Beste batzuk: behar bezalako beharrizanaren eta beharrizan horren aurrekontuaren arabera.

Seigarrena. Eskaerak aurkeztea

1. Adin nagusitasunera heltzean familia harreran egon den gaztearekin bizitzen jarraitzen duen harreragileak edo harreragile ohiak eskatzen duenean, orduan hasiko da araudi honen xede diren laguntzak emateko prozedura. Prozedura hori deialdi honekin batera l. eranskin gisa doan eskabide ereduaren formalizatuko da.

Eskabideak toki hauetan aurkeztu behar dira:

- Gizarte Ongizaterako Foru Erakundearen Erregistro Orokorra.
- Administrazio Publikoen Administrazio Prozedura Erkidearen urriaren 1eko 39/2015 Legeak 16.4 artikuluan jasotzen dituen gainerako erregistroetatik edozein.

Hala eta guztiz ere, Administrazio Publikoen Administrazio Prozedura Erkidearen 39/2015 Legearen 14.2 artikulua dioenari jarraiki, nahitaez aurkeztu beharko dute era telematikoan, egoitza

elektronikoaren bidez (<https://egoitza.araba.eus/es/-/registro-electronico-comun-ifbs>) nahiz beste administrazio publiko batzuen erregistro elektronikoen bidez, pertsona juridikoek, nortasun juridikorik gabeko erakundeek, nahitaez elkargokide izatea beharrezkoa den jarduera profesional batean dihardutenek, jarduera hori egikaritzen egiten dituzten izapideetan, eta administrazioarekiko harreman elektronikoa izatera behartuta dagoen interesdunen bat ordezkatzeko dutenek.

2. Eskaerarekin batera agiri hauek aurkeztu behar dira:

a) Aparteko gastuaren beharra frogatzen duten agiriak, dagokien profesionalak eginak. "Familia laguntzako" kasuak salbuesten dira:

– "Familia-laguntzaren" eta "etxeko laguntzaren" kasuak salbuesten dira. Horietan, harrera-familiak frogatu beharko ditu beharrezkoa eta dirulaguntzaren eskaeraren xedea den ordu kopurua.

– Jolas jarduera hezigarriak, dokumentazio izapideak eta adingabearen arreta eta zaintzarekin loturik dauden beste batzuetan sartzen direnak. Horietan, harrera-familiak beharrezkoa frogatu beharko du, zeina proposamen txosten teknikoan jasoko baita.

b) Behar den arretaren kostu osoari buruzko aurrekontua. Aurrekontu horren barruan sartu beharko dira bai esku-hartze profesionalaren gastuak bai esku-hartzerako edo tratamendurako –halakorik izanez gero– beharrezkoak diren material edo gailuen gastuak, eta, horiez gainera, administrazio kontzeptu guztiak eta tratamenduaren edo esku-hartzearen jarraipenari dagozkion kontzeptu guztiak.

c) Familia laguntzen edo etxeko laguntzen kasuetan izan ezik, esku-hartze bakoitzeko gastu osoa 1.200 eurotik gorakoa bada, gutxienez bi aurrekontu aurkeztu beharko dira. Aurkeztutako eskaintzen artean bat hautatzeko, eraginkortasun eta ekonomia irizpideak erabiliko dira, aukeraturako eskaintza diru aldetik hoberena ez denean, egindako aukera espresuki arrazoitu beharko da memoria batean. Ez da halakorik egin behar izango neskak, mutilak edo gazteak hainbat diagnostiko jasatea kaltegarria edo desegokia izan ahal bada, lehenagoko esku hartzeen ondorioz harremanen bat badago, mugikortasun geografikoengatik mugak badaude, edo adingabe gaztearentzat desegokitzen jotzen den beste egoeraren bat gertatzen bada. Egoera hori alegatu egin beharko da eskaeran, aldeko irizpena lortu behar du proposamen teknikoan, eta onespina jaso baiezkoa ematen duen ebazpenean.

d) Izapidetze elektronikoa aukeratuz gero, eskaeraren dokumentazioarekin batera erantzukizunpeko adierazpen bat erantsiko da, bertan jasotako informazioa eta dokumentazioa benetakoak direla adierazteko.

3. Diruz lagundutako kontzeptuak ondoz ondoko ekitaldi bat baino gehiagotan gauzatzen badira eta haiei buruz esleitzeko ebazpena hartu bada, ez da beharrezkoa izango 1. puntuari adierazten den eskabidea aurkeztea hurrengo ekitaldietan..

4. Gizarte Ongizaterako Foru Erakundeak ofizios eskatuko dio Foru Ogasunari onuradunak bere zerga betebeharrak egunean dituelako egiaztageria, honako kasu honetan izan ezik: laguntza 800 eurotik beherakoa bada eta, otsailaren 11ko 18/1997 Foru Dekretuan (ondoren 58/2004 Foru Dekretuak aldatua) ezartzen duenaren arabera, hori egiaztatu beharretik salbuestita badago. Onuraduna aurreko agiriak direla-eta Gizarte Ongizaterako Foru Erakundeak egindako eskaeraren aurka agertzen bada, berak aurkeztu beharko ditu agiri horiek eskaerarekin batera. Onuradunak zergak beste probintzia edo autonomia erkidego batean ordaintzen baditu, egoitzaren egiaztageria, Ogasunak emana, aurkeztu beharko du.

5. Gizarte Ongizaterako Foru Erakundeak ofizios eskatuko dio Gizarte Segurantzari onuradunak bere zerga betebeharrak egunean dituelako egiaztageria, honako kasu honetan izan ezik: laguntza 3.000 eurotik beherakoa bada eta, otsailaren 11ko 18/1997 Foru Dekretuan (ondoren 58/2004 Foru Dekretuak aldatua) ezartzen duenaren arabera, hori egiaztatu beharretik salbuestita badago. Onuraduna aurreko agiriak direla-eta Gizarte Ongizaterako Foru Erakundeak egindako eskaeraren aurka agertzen bada, berak aurkeztu beharko ditu agiri horiek eskaerarekin batera.

6. Eskaerak aurkezteko epea oinarri hauek Arabako Lurralde Historikoko Aldizkari Ofizialean argitaratu eta hurrengo egunean hasiko da eta 2022ko azaroaren 30ean amaituko da.

Zazpigarrena. Ordaintzeko modua

1. Arau orokor gisa, aparteko gastuetarako laguntza ekonomikoak beranduenez hilabeteko epean ordainduko zaizkio eskatzaileari, gastua justifikatzen eta ordainketa frogatzen den egunetik aurrera.

2. Laguntzaren zenbatekoa aurreratzerik ere izango da tratamendu batzuetan, tratamendua hasteko beharrezkoa bada, eskaeran eta proposamen teknikoan hori aipatzen bada eta baiezkua ematen duen ebazpenean hala zehazten bada. Ordainketa hori gehienez hilabete bateko epean egingo da laguntza ematen den egunetik aurrera.

Zortzigarrena. Gastuen eta ordainketen justifikazioa

1. Arau orokor gisa, eskatzaileak Gizarte Ongizaterako Foru Erakundeko Adingabeen eta Familiaren Arloan aurkeztu beharko du adingabeak edo gazteak behar izan duen laguntza eman duen profesionalak edo erakunde espezializatuak egindako faktura, eman denetik bi hileko epean eta, betiere, 2022ko abenduaren 31 baino lehen. Ordainketa egin dela, berriz, ordainagiriaren, bankuko jatorrizko agiriaren, edo faktura eman duen enpresaren sinadura eta zigilua daukan fakturaren bidez frogatuko da, eta 2023ko urtarrilaren 15a baino lehenago aurkeztu beharko da.

Iruzuraren Kontra Borrokatzeko Ekintzei buruzko urriaren 29ko 7/2012 Legeak (BOE, 2012ko urriaren 30ekoa) 7. artikuluan adierazitakoaren arabera, ezingo dira eskudirutan ordaindu in-darrean dagoen araudian zehaztutako balio bereko edo handiagoko edo atzerriko monetan haren kontrabaliaoa duten eragiketak. Ondasun ematea edo zerbitzu egitea zatika egin bada, aurreko paragrafoan aipatutako zenbatekoa kalkulatzeko, batu egingo dira egindako eragiketa edo ordainketa guztien zenbatekoak.

2. Familia laguntzako edo etxeko laguntzako laguntzak badira, soldata eta dagokion hilabete-ko kuotak Gizarte Segurantzari ordaindu izanaren frogagiria aurkeztu beharko da, betiere 2023ko otsailaren 8a baino lehenago.

3. Salbuespenez akademietan egiten ez den eskola-laguntza baldin bada, ordainketa egiaz-tatu beharko da, hartu-agiriaren edo bankuko egiaztagiriaren bidez.

4. Tratamendua edo gastuak beren hasiera baino lehen ordaindu behar badira, eskatzaileak Gizarte Ongizaterako Foru Erakundeko Adingabeen eta Familiaren Arloan faktura aurkeztu be-harko du, adingabeak edo gazteak behar duen arreta emango duen profesionalak edo entitate espezializatuak egina, gehienez ere hilabeteko epean, laguntza benetan ordaintzen denetik aurrera, eta betiere 2022ko abenduaren 31 baino lehenago, eta orobat tratamendu hori egin dela frogatu beharko du. Ordainketa egin dela frogatzea, ordainagiriaren, bankuko jatorrizko agiriaren, edo faktura eman duen enpresaren sinadura eta zigilua daukan fakturaren bidez egin behar da, eta betiere 2023ko urtarrilaren 15a baino lehenago aurkeztu beharko da.

5. Gastua frogatzeko, jatorrizko fakturak edo benetako agiriak baliatuko dira. Gizarte Ongi-zaterako Foru Erakundeak jatorrizkoekin batera aurkezten diren fotokopiak konpultsatu ahal izango ditu.

6. Izapidetze elektronikoa aukeratuz gero, justifikazioaren dokumentazioarekin batera erantzukizunpeko adierazpen bat erantsiko da, bertan jasotako informazioa eta dokumentazioa benetakoak direla adierazteko.

Bederatzigarrena. Dirulaguntza bat baino gehiago aldi berean jasotzea

Baldin eta familia harreraren eta familia harreraren osteko jarraipenenean laguntzeko aparteko gastuetarako laguntza ekonomikoen onuradunek beste laguntza publiko edo pribatu batzuk eskuratzen badituzte helburu bererako, horren berri eman beharko diote Gizarte Ongizaterako Foru Erakundeari, eta jakinarazpen hori laguntza eskatzen duten une berean edo laguntza es-kuratuta eta hamar egun balioduneko epean egin beharko dute.

Hamargarrena. Eskaerak izapidetzea eta ebaztea

1. Adingabeen eta Familiaren Arloaren Zuzendariorde Teknikoa da prozedura antolatu eta bideratzeko eskumena duen organoa. Organo horrek izapidetuko du ebazpen proposamena, behar bezala arrazoiturik, Gizarte Ongizaterako Foru Erakundearen Administrazio Kontseiluko Lehendakariaren aurrean, hark ebazpena eman dezan.

2. Gizarte Ongizaterako Foru Erakundearen Zuzendaritza-Kudeatzeak izango du eskumena deialdi honen babesean izapidetzen diren espedienteak ebazteko, hala agintzen baitu Diputatu Kontseiluaren apirilaren 3ko 25/2012 Foru Dekretuaren bidez onetsitako Gizarte Ongizaterako Foru Erakundearen egitura eta funtzionamenduari buruzko arautegiak 25. artikuluan.

Ebazpena arrazoitu egin behar da, eta honako hauek argitu behar ditu:

- Laguntza ekonomikoa ematea bidezkoa den ala ez.
- Laguntza ekonomikoaren zenbatekoa eta laguntzaren helburua eta ordaintzeko era.
- Ebazpena emateko epea.

Eskaerak jasotzen direnetik hiru hilabete pasatu baino lehen eman behar da ebazpena, bai eta eskatzaileei jakinarazi ere. Epe zenbaketa horretarako, ez da kontuan hartuko espedientea etenda dagoen denbora, baldin eta etete horren arrazoiak eskatzaileari badagozkie.

Aurreko idatz zatian aipatzen den epealdian berariazko ebazpenik ematen ez bada, eskaera ezetsizat hartuko da. Nolanahi ere, Gizarte Ongizaterako Foru Erakundeak berariazko ebazpena eman beharko du.

3. Ebazpenaren aurka errekurtsoa jarri ahal izango da Administrazio Publikoen Administrazio Prozedura Erkidearen urriaren 1eko 39/2015 Legearen 121etik 126ra arteko artikuluetan xedatutakoaren arabera.

Hamaikagarrena. Datu pertsonalen tratamendua

Indarrean dagoen datu pertsonalen babesari buruzko araudiak xedatutakoaren arabera, Gizarte Ongizaterako Foru Erakundeak tratatuko ditu deialdi honek arautzen dituen laguntzak jasotzeko aurkezten diren eskaeretako datu pertsonalak eta baita laguntzak kudeatzeko, harremanak izateko eta komunikatzeko eta erakunde honi eskatutako edo erakunde honek emandako zerbitzuak kudeatzeko interesdunekin harremanetan jarrita eskuratzen diren guztiak ere. Datuak tratatu ahal izateko, interesdunak baimena eman behar du edo foru erakundeak bere berezko funtzioak betetzeko erabili behar ditu bere eskumenen esparruan, edo bi baldintza horiek bete behar dira. Datuak ez zaizkie hirugarrenei helaraziko, legeak baimendutako kasuetan izan ezik. Datuak ez zaizkie estatutik kanpoko inori helaraziko. Babes bereziko datuak dira.



Zure datuak ikusi, aldatu eta ezabatu ditzakezu, eta baita haien gaineko beste eskubide batzuk baliatu ere, honako webgune honetan duzun informazio osagarrian ikus dezakezun moduan: <https://web.araba.eus/es/servicios-sociales/proteccion-de-datos>, edo idazkia bidal dezakete, beren NANaren bidez identifikatu ostean, Gizarte Ongizaterako Foru Erakundera, San Prudentzio kalea 30. 01005 Gasteiz, edo posta elektronikoa bidal diezaiokete datuen babeserako gure ordezkariari honako helbide honetara: dpd_ifbs@araba.eus.

Hamabigarrena. Azken klausula

Deialdi honen oinarriak bere osoan honako xedapen hauetan ezarritakoaren pean egongo dira: 11/2016 Foru Araua, urriaren 19koa, Arabako Lurralde Historikoko Dirulaguntzei buruzkoa; 38/2003 Legea, azaroaren 17koa, Dirulaguntzen Lege Orokorra; 21/2020 Foru Dekretua, ekainaren 16koa, onesten dituen familia harreraren eta familia harrera bukatu ondoko bizikidetzan laguntzeko aparteko gastuetarako laguntza ekonomikoak emateko oinarri arau orokorrak, eta oro har aplikatzeko diren guztiak.

Vitoria-Gasteiz, 2022ko ekainaren 16a

Gizarte Ongizaterako Foru Erakundeko Administrazio Kontseiluko lehendakaria
EMILIO SOLA BALLOJERA

<p>▶ ARABAKO FORU ALDUNDIA</p>  <p>Gizarte Ongizaterako Foru Erakundea Instituto Foral De Bienestar Social</p> <p>▶ DIPUTACIÓN FORAL DE ÁLAVA www.araba.eus/ifbs/</p>	<p style="text-align: center;">Familia Harrerako laguntza ekonomikoak egiteko eskaera</p> <p style="text-align: right; font-size: 24pt;">028</p> <hr style="border: 2px solid black;"/> 
--	---

Eskatzailearen datuak

Lehen abizena	Bigarren abizena	Izena			
<input type="text"/>	<input type="text"/>	<input type="text"/>			
Jaiotza data (eguna, hilabetea eta urtea)	Sexua	Nazionalitatea	Egoera zibila		
<input type="text"/>	G <input type="checkbox"/> E <input type="checkbox"/>	<input type="text"/>	<input type="text"/>		
Helbidea (Kalea / Plaza)	Zenbakia	Blokea	Eskailera	Solairua	Atea
<input type="text"/>	<input type="text"/>	<input type="text"/>	<input type="text"/>	<input type="text"/>	<input type="text"/>
P.K.	Udalerría	Herria	Probintzia /L.H. NAN/IFZ •AIZ • Beste bat		
<input type="text"/>	<input type="text"/>	<input type="text"/>	<input type="text"/>	<input type="text"/>	
Telefono finkoa	Sakelako telefonoa	Helbide elektronikoa			
<input type="text"/>	<input type="text"/>	<input type="text"/>			

ADIERAZTEN DU

-en familia harrera dela (izan dela) eta

harrera data honetan formalizatu da:

ETA ESKATZEN DU, beharrezkoak diren izapideak baino lehen, honako hauek ematea:

1. Familia harrerak / familia harrerako neurria amaitu ondorengo bizikidetzak eragindako ezohiko gastuekin laguntzeko laguntza ekonomikoa

Kontzeptua Zenbatekoa Epealdia

2. Familia harreraren osteko prestazio arrunta

Horretarako eranstean da (1. Kasua):

- Onartzea bermatzen duen justifikatzeko txostena
- Aurrekontua (1.200 eurotik gorakoa bada, bi aurrekontu)
- Laguntza ekonomikoaren beharrari buruzko justifikazioa, behar denean

NIRE ARDURAPEAN ADIERAZTEN DITUT HONAKO HAUEK:

Eskabide honetan adierazitako datuak benetakoak direla.
Beharrezko egiaztapenak eta fitxategi publikoei kontsultak egiteko baimena ematen dudala, aitortutako datuak Administrazio Publiko eskudunen eskuetan daudenean bat datozela ziurtatzeko.
Badakidala aurrerantzean gerta daitezkeen eta 1. eskaera honi eragin diezaioketen aldaketen berri Gizarte Ongizatearen Foru Erakundeari ematera behartuta nagoela, 15 egutegi-egunen epean aldaketa gertatzen den egunetik hasita.

-(n), 20 -(e)ko -ren -(e)an

Eskatzailearen sinadura

Dokumentu hau sinatuz, goian sinatzen duenak adierazten du informatuta dagoela eta **DBLO Lege Oharrean** (012. eranskina) aipatutako baimena ematen duela, bere datu pertsonalak erabil ditzan Gizarte Ongizaterako Foru Erakundeak.